



19 თებერვალი, 2025 წ.

**წარმომადგენლობითი საბჭოს
გადაწყვეტილება N07-01/04**

**ბსუ-ს მოკლევადიანი და სარეზიდენტო პროგრამების პირველადი ბიუჯეტის
(ხარჯთაღრიცხვის) შედგენის წესის დამტკიცების თაობაზე**

„უმაღლესი განათლების შესახებ“ საქართველოს კანონის მე-18 მუხლის, ბსუ-ს წესდების მე-10 მუხლის, მე-15 მუხლის, „ბსუ-ს ბიუჯეტის შედგენის წესის დამტკიცების შესახებ“ წარმომადგენლობითი საბჭოს 2021 წლის 24 დეკემბრის N07-01/59 გადაწყვეტილების, „ბსუ-ს პროფესიული პროგრამების მართვისა და უწყვეტი განათლების ცენტრის დებულების დამტკიცების თაობაზე“ ბსუ-ს წარმომადგენლობითი საბჭოს 2024 წლის 24 ოქტომბრის N07-01/59 გადაწყვეტილების, „რეზიდენტურის ალტერნატიულ დიპლომის შემდგომ განათლებაში (პროფესიულ მზადებაში) მონაწილეობის, მისი წარმართვისა და შეფასების წესისა და იმ სამედიცინო დაწესებულებების ან/და სასწავლებლების აკრედიტაციის კრიტერიუმების და წესის დამტკიცების შესახებ, რომლებშიც შესაძლებელია დიპლომის შემდგომი განათლების (პროფესიული მზადების) კურსის გავლა“ საქართველოს შრომის, ჯანმრთელობისა და სოციალური დაცვის მინისტრის 2009 წლის 8 აპრილის №135/ნ ბრძანების, წარმომადგენლობითი საბჭოს რეგლამენტის და საბჭოს სხდომის ოქმის (N07-02/01, 19.02.2025წ.) საფუძველზე წარმომადგენლობითმა საბჭომ

გ ა დ ა წ ყ ვ ე ტ ა

1. დამტკიცეს ბსუ-ს მოკლევადიანი და სარეზიდენტო პროგრამების პირველადი ბიუჯეტის (ხარჯთაღრიცხვის) შედგენის თანდართული წესი (N1 დანართი).
2. გადაწყვეტილება განთავსდეს ბსუ-ს ვებგვერდზე.
3. გადაწყვეტილება დაეგზავნოს ბსუ-ს რექტორს, ადმინისტრაციის ხელმძღვანელს, ხარისხის უზრუნველყოფის სამსახურის ხელმძღვანელს, რექტორის მოადგილეებს, ბსუ-ს პროფესიული პროგრამების მართვისა და უწყვეტი განათლების ცენტრს (ცენტრის უწყვეტი განათლების მიმართულებების კოორდინატორებს), საფინანსო-ეკონომიკურ დეპარტამენტს, იურიდიულ დეპარტამენტს, საინფორმაციო ტექნოლოგიების სამსახურს, საქმისწარმოების სამსახურს (კანცელარია), ფაკულტეტებს, სამეცნიერო-კვლევით ერთეულებს.
4. გადაწყვეტილება ძალაშია ხელმოწერისთანავე.
5. გადაწყვეტილება შეიძლება გასაჩივრდეს კანონმდებლობით დადგენილ ვადაში და წესით ბათუმის საქალაქო სასამართლოში (ქ. ბათუმი, სტეფანე ზუბალაშვილის №30).

წარმომადგენლობითი საბჭოს სპიკერი,

პროფესორი

ჯემალ კარალიძე

„ბსუ-ს მოკლევადიანი და სარეზიდენტო პროგრამების პირველადი ბიუჯეტის
(ხარჯთაღრიცხვის) შედგენის წესის დამტკიცების თაობაზე“

**ბსუ-ს წარმომადგენლობითი საბჭოს 2025 წლის 19 თებერვლის N07-01/04
გადაწყვეტილების**

N1 დანართი

**ბსუ-ს მოკლევადიანი და სარეზიდენტო პროგრამების პირველადი ბიუჯეტის
(ხარჯთაღრიცხვის) შედგენის წესი**

1. წინამდებარე წესი ადგენს ბსუ-ს მოკლევადიანი საგანმანათლებლო პროგრამების (ტრენინგ-კურსები/უწყვეტი პროფესიული განვითარების/სამედიცინო განათლების კურსები) და ბსუ-ს რეზიდენტურის ალტერნატიული დიპლომისშემდგომი განათლების (პროფესიული მზადების) სარეზიდენტო, მოკლევადიანი გადამზადების და სუბსპეციალობის პროგრამების (შემდეგში - მოკლევადიანი პროგრამა ან კურსი) პირველადი ბიუჯეტის/ხარჯთაღრიცხვის (შემდეგში - ბიუჯეტის) შედგენის რეგულაციას.
2. ბსუ-ს მოკლევადიანი პროგრამის/კურსის განხორციელებამდე ბსუ-ს ადმინისტრაციის ხელმძღვანელის ბრძანებით მტკიცდება პროგრამის/კურსის ბიუჯეტი, პროგრამის/კურსის განხორციელების ინიციატორი ბსუ-ს სტრუქტურული ერთეულის/დასაქმებულის ინიციატივით (წარმოსადგენი პროექტი უნდა შეთანხმდეს ბსუ-ს საფინანსო-ეკონომიკურ დეპარტამენტთან).
3. ბსუ-ს მოკლევადიანი პროგრამის/კურსის ბიუჯეტის პროექტში მითითებული უნდა იყოს:

- | | | |
|--|--------------------------|---------------------------------------|
| 3.1. პროგრამის/კურსის | განხორციელების/ჩატარების | ფორმატი |
| (პირისპირ/დისტანციური/შერეული) და ადგილი; | | |
| 3.2. სწავლების/მეცადინეობის ფორმატი: ინდივიდუალური ან ჯგუფური (ჯგუფის მსმენელთა მინიმალური და მაქსიმალური ოდენობის მითითებით); | | |
| 3.3. პროგრამაზე სწავლის საფასური; | | |
| 3.4. პროგრამის/კურსის | მოცულობა (კრედიტები) | ან/და ხანგრძლივობა (საათები/დღე/თვე); |
| 3.5. პროგრამის განხორციელებისათვის პირდაპირი ხარჯის (დანახარჯები) ჩამონათვალი, მათ შორის: | | |

ა) პროგრამის განმახორციელებელი პერსონალის (ტრენერის/მასწავლებლის) შესასრულებელი საკონტაქტო საათების რაოდენობა და შრომის ანაზღაურების ოდენობა; ასევე პროგრამის ხელმძღვანელის (ავტორის) მიერ შესასრულებელი შრომითი დატვირთვა და შრომის ანაზღაურება (საათობრივი ან ერთჯერადი);

ბ) პროგრამის დამხმარე პერსონალის მიერ შესასრულებელი საათების რაოდენობა/შრომის ანაზღაურების ოდენობა (მიმართულების/პროგრამის კოორდინატორი; პროგრამის განმახორციელებელი სტრუქტურული ერთეულის პერსონალი/სასწავლო პროცესის ადმინისტრირების მიმართულებით ასისტენტი; სამართლებრივი მხარდაჭერის/აღრიცხვა-ანგარიშგების მიმართულებით ასისტირების

განმახორციელებელი პირები; საჭიროების შემთხვევაში, ბსუ-ს სხვა დამხმარე პერსონალი (უნივერსიტეტის ადმინისტრაციული დამხმარე სტრუქტურული ერთეულების პერსონალის შემადგენლობიდან) ან განსაკუთრებული საჭიროების შემთხვევაში - სხვა მოწვეული პირები);

გ) სასწავლო პროცესისათვის განსაზღვრული სხვა ხარჯი (სასწავლო რესურსი, სერტიფიკატები ან სხვა);

3.6. არაპირდაპირი დანახარჯები - პროგრამის განხორციელებასა და განვითარებასთან დაკავშირებული ხარჯები (**პროგრამის შემოსავლის 20-40%**) განისაზღვრება შესაბამისი პროგრამის/კურსის ბიუჯეტის (ხარჯთაღრიცხვის) დამტკიცების შესახებ ადმინისტრაციის ხელმძღვანელის ბრძანებით, პროექტის ინიციატორის დასაბუთებული სამსახურებრივი ბარათის გათვალისწინებით.

3.7. არაპირდაპირი დანახარჯების (პროგრამის შემოსავლის 20-40%) ოდენობის განსაზღვრისას ადმინისტრაციის ხელმძღვანელის მიერ გათვალისწინებული უნდა იქნეს პროგრამის განხორციელების უფლების მოპოვების ხარჯი (სააკრედიტაციო/შესაბამისი განაცხადების განხილვისა და გადაწყვეტილების მიღებისათვის დადგენილი საფასური/მოსაკრებელი, ასევე საქართველოს კანონმდებლობით განსაზღვრული სხვა ხარჯი).